

顏昌嶢著

中國最近百年史

上海太平洋書店印行

顏昌曉著

中國最近百年史

上海太平洋書店印行

中國最近百年史

自叙

我國近百年來，外受帝國主義之壓迫，內蒙清室官僚民國軍閥之抑制。國權盡喪，利源外握，使吾四萬萬民族生機淪於將燼，吾五千年光榮之歷史，闇淡無色。幸近民族自決，風起浪湧，我國民運，應時而興。兩三年間，打倒軍閥，打倒帝國主義，取消不平等條約之標幟，風靡全國。孟子云：生於憂患，死於安樂，其不然歟？予纂近百年史，至於五口通商以後，強隣勢力愈逼而愈亟。政府冥頑怯懦，婉轉服從，苟偷權位，不惜舉土地人民政事之三寶，敝屣棄捐，財盡能索，乃復大舉外債，專事內爭。犧牲民命，增重負擔。

泚筆及此，不知其爲悲耶，憤耶，痛哭耶，流涕耶。夫物不極則不反，時不窮則不通，絀不甚則不復。吾數千年曾長世襲專制之國家，人民自視若馬牛犬豕禽獸然。以韓愈氏之賢，猶云『民者出粟米麻絲以事其上者也，民不出粟米麻絲以事其上則誅。』以如是之民，欲與世界平等自由博愛之民族，相偶相角，以其立於天演競存之宇宙，不其難哉。天昌吾民，非摧抑之使至於此極，其能激乎。由斯以談，則帝國主義者，昌吾民族之天使也。亡清官僚軍閥政客，天使之佐力也。吾民方拜賜不遑，而何悲憤痛哭流涕之爲。然則最近百年史，乃所以厚吾民生，張吾民權，光大我民族之美疢而藥石也。可無寶貴乎。吾願讀此書者之破涕而爲笑也。民國十七年十二月湘鄉顏昌曉息齋甫叙于麓山湖南大學。

中國最近百年史

目次

革政醞釀時期

第一章 鴉片戰爭

英人積憤之由……禁煙及開戰之由……中英戰
況及南京條約

一

第二章 英法聯軍入北京

開釁之始及天津條約……二次開釁及北京條約

三

第三章 咸同時之內亂

六

太平天國……擒匪及回亂……平定新疆及爭回

伊犁

第四章 同光間之朝局及外患……………三

同光朝局……英法侵略西南……日併琉球朝鮮……

……中俄密約及租借地

革政試驗時期

第五章 清廷之顛蹶……………三

戊戌政變……義和團之亂……辛丑和約

第六章 日俄之戰與中國之關係……………三

日俄開戰之因……我國中立與韓變爲日本保護國

……日俄媾和與中日滿洲善後條約

第七章 日本驟強之影響於我國……………三

日英新同盟日法日俄日美諸協約……日併韓國

及侵略南滿洲

第八章 清末列強之壓迫……………三

俄之經略滿蒙新疆……英之經略西藏雲南

第九章 民族革命及民國成立……………六

革命軍之迭起……清室退位

第十章 列強對於民國之壓迫……………七

朝局之紛更……蒙古西藏事件……五國五釐金

幣大借款……日攻青島與二十一條件……日俄

同盟與日美協定

第十一章 對德宣戰及內亂……………七

日本操縱參戰與山東密約…………對德宣戰與內亂

……巴黎和會中國之失敗

第十二章 西藏問題……………二〇

第十三章 外蒙問題……………二三

第十四章 中德協約……………二六

第十五章 華盛頓會議與中國……………三〇

會議之原因與日本之限制範圍…………華會議決案

及九國協約…………山東問題之解決…………山東之接

收…………蘭辛石井協定之廢棄

第十六章 宣告二十一條協約無效及索

還旅大……………二三

第十七章 內爭之繼續……………二五

奉直戰爭……戰後之政變……賄選及制憲……

西南政局及國民黨改組……東南戰爭與東北戰

爭……清帝出宮與優待條件修改

第十八章 中俄變化與中俄協定……………二七

中俄關係之變化……中東路權之收回……收回

俄租界與治外法權……中俄協定

第十九章 段祺瑞執政及革命軍北伐……………二八

臨時執政府……孫中山北上及逝世……臨時執

政府改組及消滅……廣州國民政府成立

第二十章 金佛郎案及中法協定……………一九

第廿一章 五卅慘案及修正不平等條約…………一九

第廿二章 國民革命與取消不平等條約…………二六

黨軍平定東南……取消不平等條約……寧漢問

題解決

中國最近百年史

顏昌嶠著

最近百年史者，迫吾民族起而摧倒君權，建設民政之歷史也。約可分爲兩時期。從鴉片之戰至甲午中日之役，爲革政醞釀時期。從戊戌政變訖國民革命，爲革政試驗時期。事變紛繁，簡明敘述如次。

革政醞釀時期

第一章 鴉片戰爭

第一節 英人積憤之由

自葡萄牙人越喜望峯而至印度、（明弘治正德間）西班牙人英吉利荷蘭人繼之、各於印度及南洋羣島得有根據地。明正德十一年、葡船始來中國。嘉靖十四年、都指揮黃慶受葡商巨賄、爲請於上官開澳門爲通商地、科地租年二萬金、葡人遂據爲領地、（其後要求減租至五百兩、至清道光二十八年、前尚如之。）

清康熙二十八年、與俄國結尼布楚條約、准國境貿易。三十二年、訂通商條約、准俄商隊三年得至北京一次、每隊得至二百名、可在北京駐留八十日、且免納稅。

英人思效前例、謀與我國通商、屢次失敗。先是明萬曆十六年、英女王伊利薩伯奪得西班牙海上權、時西葡合併、英亦欲得

葡人之東洋權利，屢與葡戰。葡臥亞總督戰敗，與英結和約，許英有出入澳門之權利。崇禎八年，英人威代爾率艦隊至澳門，爲葡人所聞，不得上陸。虎門與守兵戰，陷礮台。廣東總督大驚，令交還掠奪物，許於廣東河口通商。未幾明亡，鄭經據台灣，許英人在台之安平、福建之廈門二處通商。

清康熙十六年，英人欲於廈門建商館，政府拒之。季年始得于河口通商，且在舟山貿易。清廷課輸入稅四分，輸出稅二分六釐。乾隆五十八年，英使馬甘尼來，求改良通商章程，請照俄國例設商館於北京，且求減稅及自由傳教。值清高宗八旬萬壽，破格待遇，許以謁本國國王之禮謁見，而駁斥所請。嘉慶十年，英復遣使，重幣賄當路，不得謁見，被斥歸國。二十一年，復遣亞墨斯爾爲

大使至北京，清廷目爲例貢使，英使憤極，廷議謁見皇帝及過皇帝虛位皆叩頭，英使不允，不協而歸。道光元年，廣東灣英艦被粵民攻擊，地方官不問罪，且嚴課關稅，並禁英婦人上陸，英商不得已退出澳門十四年。英遣律勞卑爲英商監督官，此時鴉片入口日多，粵督盧坤怒其書用平行式，拒不見，且禁鴉片輸入。律勞卑固不承認，尋病卒。英遣魯濱孫繼其後，仍與政府齟齬，無可發展。道光十六年，英乃廢監督官，而以甲必丹義律爲領事。義律欲以和平政策發展商業，然以我國嚴禁鴉片輸入之故，兩國衝突終不可避。義律卽鴉片戰爭之主要人也。

第二節 禁煙及開戰之由

唐貞元中，亞拉伯商人始販罌粟入中國。至明代，由葡人輸

入罌粟不絕。(萬曆十七年關稅表中有鴉片十斤價銀條十二個之規定。)及英人代葡而握東洋貿易權，廣殖鴉片於印度，以中國爲消場，國人嗜之成癖。乾隆時，曾設專律嚴禁。(販者充邊官吏犯者罷職杖一百，流三千里爲奴。)

然私販匿吸者不絕，官吏貪賄，陽禁而陰弛。嘉慶二十一年，計英商輸入額三千二百十箱，(每箱一百二十斤)合價銀幣三百六十五萬七千元。至道光十六年，輸入二萬七千餘箱，合銀幣一千七百九十餘萬元。中國產銀本稀，至此輸出超過輸入甚鉅。計自道光三年至十一年，廣東輸出銀共一千八百萬兩，十一年至十四年，輸出共二千餘萬兩。又二年，輸出三千餘萬兩。他省尙不在數內。政府恐銀貨日缺，危及國本，始感鴉片流毒之害，立

十人聯保受罰之法。家藏煙具者死。官吏受賄不報者削職。兩廣總督林則徐覆奏有云。煙不禁。國日貧。民日弱。數十年後。無可籌之餉。亦無可用之兵。宣宗召拜欽差大臣。查辦廣東海港事宜。

十七年正月。則徐至粵。先捕出入英商館之華商數人。殺館前示威。限英人三日內交出鴉片。不聽。令吏卒百人襲商館。乃交出鴉片千三百十七箱。則徐知隱匿尚多。盡捕領事以下下獄。禁給商館食物。奪船舶。絕其歸路。英人大困。乃獻二萬二百八十三箱以謝罪。朝命悉燒之。英人快快去。各國商人亦相率去。廣東商務一時衰落。

此時清廷定禁煙新例。分別處斬絞罪。凡各國商船。皆令具夾帶鴉片者沒官正法之結。英領事義律不從。請則徐派員至澳。

門會議，斥不許，又斷絕其食物。義律請於本國政府，道光十八年，印度總督派軍艦數艘至澳門，義律大喜，駛至河口索食物，戰端遂開。

第三節 中英戰況及南京條約

英政府得議會協贊軍費之後，遣將伯麥及加至義律，率海陸軍萬五千人，以道光二十年五月至澳門。則徐大修軍備，焚其杉板船二。英人轉攻廈門，陷定海。時疆吏懼禍及，多造蜚語中傷。則徐廷議動搖，命兩江總督伊里布視師，且訪致寇之由。英軍乃如天津，向直督琦善提出和議六條。

一 償貨值

二 開廣州廈門福州定海上海爲商埠。